

中國風土志 叢刊

● 吳風錄

● 蘇州風俗

● 吳下方言考

◇ 郡縣沿革

◇ 山川改易

◇ 古迹存亡

◇ 風俗演變

◇ 氣候變遷

◇ 鄙事俚語

◇ 人情掌故

◇ 城坊舊聞



明·黃省曾纂

吳
風
錄

蘇州府志
卷之四
風俗
PDG

《吳風錄》

《吳風錄》一卷，明黃省曾纂。清道光十一年（1831）《學海類編》木活字排印本。

黃省曾字勉之，號五岳山人，明吳縣（今江蘇蘇州）人。嘉靖舉人。曾從王守仁游，又從李夢陽學詩。學問賅博。著有《西陽朝貢典錄》、《擬詩外傳》、《客問》、《騷苑》、《五岳山人集》等。

是書按時代先後依次記述吳地的社會風氣和現象，一事一記。首自吳王闔廬造九曲路於姑蘇之臺，終明代中葉吳民精造文具。類如一部地方風情的大事記。是編無目錄，前無序、後無跋，亦無標題。最早版本有明萬曆百陵學山刊本。



吳風錄

明 吳郡黃省曾勉之著

自吳王闔閭造九曲路以遊姑胥之臺臺上立春宵宮
爲長夜之飲作天池泛青龍舟舟中盛致妓樂日與西
施爲嬉白居易治吳則與容滿蟬態輩十妓遊宿湖島
至今吳中士夫畫船遊泛攜妓登山而虎邱則以太守
胡纘宗創造臺閣數重增益勝眺自是四時遊客無寥
寂之日寺如喧市妓女如雲而他所則春初西山踏青
夏則泛觀荷蕩秋則桂嶺九月登高鼓吹沸川以往

吳郡黃省曾勉之著

三

吳風錄

一

自吳王光僚骨肉戕殺之後今九族昆弟互謀交爭鮮有親睦者

自角里披裘公季札范蠡輦前後潔身歷世不絕時時有高隱者永樂中有王賓氏

自漢蔡經居胥門而王方平麻姑會於其室魏伯陽作丹飛昇楊羲陸修靜輩入句曲山學道至今吳下好談神仙之術然聲色汨之卒皆無成最下者造黃白偽金謂之茅銀用此欺購者眾

自梁鴻由扶風東方朔由厭次梅福由壽春戴逵由剡

適吳國入主之愛禮包容至今四方之人多流寓於此
雖編籍爲諸生亦無攻發之者亦多亡命逃法之奸託
之醫卜羣術以求容焉

自梁武帝好佛大興塔寺竺道生虎邱聚石爲徒講涅槃經石皆首肯支遁入道支硎山海上浮二石像於開元寺至今虎邱開元每有方僧習禪設會講二三月郡中士女渾聚至支硎觀音殿供香不絕

自六朝文士好嗜詞賦二陸擷其英華國初四才子爲盛至今髫齡童子卽能言詞賦村農學究解作律詠

自王謝支遁喜爲清談至今士夫相聚觴酒爲閒語終日然多浮虛黠辭不敦實幹務

自梁皇侃明三禮孝經論語撰禮記講疏五十卷論語義疏十卷陳張冲撰春秋義喪服義三卷孝經論語義十卷隋褚暉撰禮疏一百卷而陸元朗論撰尤多至今吳人善著書然喜哀集文章雜事無明瑩篤實而通經者

自吳曹弗興畫赤龍兵符圖置龍水旁應時雨足張僧繇丹青絕代而於金陵安樂寺畫四龍點睛者飛去張

璚雙管爲生枝枯槿入神品滕昌祐花鳥何充寫貌至今吳人善畫者多

自張宏善篆張彭祖善隸右軍每見其縑素尺牘則藏之張旭草書入神品至今吳人善書草稱宋克能品稱徐有貞李應禎無寬泛而超入於晉者惟祝允明得變化之妙

自席謙善碁石荊山善琴呂彥直善雙鉤張珙善刊鐵至今吳中多碁客琴師雙鉤然逐利而爲無古人自得之妙

自朱勔創以花石媚進建節鉞而太湖石一座得銀盤
千役夫賜郎官金帶石封爲磐固侯壘爲艮嶽至今吳
中富豪競以湖石築峙奇峰陰洞至諸貴占據名島以
鑿鑿而嵌空妙絕珍花異木錯映闌圃雖閭閻下戶亦
飾小小盆盎爲玩以此務爲饕餮積金以充取欲而朱
勔子孫居虎邱之麓尙以種藝壘山爲業游於王侯之
門俗呼爲花園子其貧者歲時擔花鬻於吳城而桑麻
之事衰矣

自蘇師旦以韓氏書史受諸將賄之今吳人好避托權

要起家永樂時附於權臣紀綱者有陳湖陸氏張氏正
德間附於閹人劉瑾者有湯氏家無擔石者入仕二三
年卽成鉅富由是莫不以士爲賈而求人學庠者肯捐
百金圖之以大利在後也陸冢宰贖貨萬餘以宸濠黨
誦成吳太守營新宅甲吳中今歸他人天道雖不爽而
貪者尤甚然持廉而不營產者則目爲癡其廉行素著
者御史陳祚副使陳琦郎中張瑋

自元氏海運用海民朱清張瑄而瑄子文虎遂以戶部
尚書領漕取路大洋旬日達於直沽由是朱張二氏得

以交通諸蕃貿易占刈官釐販鹽行刦第宅偏於吳中
瑄妾楊氏美而悍別建地於乘魚橋謂之四夫人府後
沒籍二氏特立提舉司專典其金帛至今吳人有通蕃
求富者竝海崇明三沙姦民多以行販抄掠爲業

自沈萬三秀好廣闢田宅富累金玉沿至於今競以求
富爲務書生惟藉進士爲殖生階梯鮮與國家效忠
自顧阿瑛好蓄玩器書畫亦南渡遺風也至今吳俗權
豪家好聚三代銅器唐宋玉窰器書畫至有發掘古墓
而求者若陸完神品畫累至千卷王延誥三代銅器萬

件數倍於宣和博古圖所載

自正德中吳中古墓如城內梁朝公主墳盤門外孫王陵張士誠母墳俱爲勢豪所發獲其殉葬金玉古器萬萬計開吳民發掘之端其後西山九龍塢諸墳凡葬後二三日間卽發掘之取其斂衣與棺傾其屍於土蓋少久則墓有宿草不可爲矣所發之棺則歸寄勢要家人店肆以賣乃稍稍輯獲其狀胡太守續宗發其事罪者若干人至今葬家不謹守者閒或遭之

自曹太守嚮物於民皆有鋪戶答應卜其入而一其酬

平海縣志

卷二

王

進賢

在昔已有曹平分傳白奪之謠至今郡縣剝削鋪戶嘉靖十二年霸州王儀以御史來則鋪戶一切革之

自郡守徐親信吏胥門隸往往爲富人至今爲吏胥門隸者酷以剝剋訟人爲事而隸人之害爲尤甚一人之正十人之罰與吏胥夤緣爲奸買賣而出則橫行動輒索數十金其富而訟者糧長之欲脫稽其逋者所贈尤多

自劉氏毛氏創起利端爲鼓鑄國房王氏債典而大村名鎮必張開百貨之肆以權管其利而村鎮之負擔者

俱困由是累金百萬至今吳中縉紳士夫多以貨殖爲
急若京師官店六郭開行債典興販鹽酤其術倍剋於
齊民

自江右張鼂山提學來吳廢七塔朱明二尼寺以業宦
室胡太守又廢景德等寺爲子游等祠公館且往往餽
贈勢顯由是自城至於四郊及西山一帶率爲權豪所
奪爲書院園圃墳墓而吳之叢林無完者矣至於黃縣
令輩則又盡撤古刹以贈權門貪夫否則厚估其值令
釋道納之大擾郡中至今未已

自郭令信任鉅萬富糧長納其贓賄千萬以至糧長倍收人戶吞併鄉民莫之控訴而糧長自用官銀買田造宅置妾百費則又開坐於小戶謬言其通至今糧長虎噬百姓以奉縣官

自張士誠時走卒廝養皆授官爵至今稱呼推油作麪傭夫爲博士剝工爲待詔家人奴僕爲郎中吏人爲相公

自吳民劉永暉氏精造文具自此吳人爭奇鬪巧以治文具行賂者乃贈郡縣故郡縣宦此者爭索文具於民

若長洲郭田二令相繼挾于副以往至今爲民害未已云

